

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خارج ایچون سنه لکی
۳۲۵ غروشدور .

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولنماز .

الکشاف

سیر ۱۳۳۰

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

آدره س تبدیلنده ایریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولوغنی لازمدر .

ممالك اجنبیه ایچون آبونه
اولانلرک آدرس لرینک
فرانسوزجه یازلسی رجا اولنور .

پاره کوندردیکی زمان نهیه
داثر اولدیغی بیلدیلمسی
رجا اولنور

اتبعون اهدکم سبیل الرشاد

قرآن عظیم الشانہ جناب اللہ پیغمبرینہ و افراد امتدن ہر برینہ خطاباً (و قل رب زدنی علماً - سورۃ طہ) پیوریور . جناب رب العالمیندن دائماً تزیید علمی طلب ایتک مؤمنک وظیفہ سی اولدیفنی کوستریور (هل یستوی الذین یعلمون والذین لا یعلمون - سورۃ زمر) دیور ، عالم ایله غیر عالمک مساوی اولمیه جغنی سوبلیور . (یرفع اللہ الذین آمنوا منکم والذین اتوا العلم درجات - سورۃ مجادلہ) اهل ایمانک درجہ سی رفیع اوله جغنی وعدایله برابر عالمک درجاتی دها یوکسک اولدیفنه اشارت ایدیور . صوکره ، پیغمبر من (طلب العلم فریضه علی کل مسلم ومسلمه) حدیث شریفی کی بر چوق احادیثه طلب علمه تشویق پیوریور و ارکک ، دیشی هر مسلمان عامک لزومی تصریح ایله یور . هر مسلمان سلوک ایدہ چکی مسلک حیاته کوره طلب علمه چالیشه جقدر . چونکه اعمال متفاوتدر و هر مسلکک ایجاب دینی و دنیویسی باشقہدر . بونک ایچون هر مسلک اربابنک کنیدنه مخصوص بروجیہ دینیہ و علمیہ سی واردر . توزیع اعمال صورتیله بوجانبک تحصیلی دین اسلام بر وظیفه کوسترمشددر . بوندن باشقہ کافہ علومی جمع ایتک امتک هیئت اجتماعیہ سی ایچون بر فریضہدرکه بوکا لسان شرعده فرض کفایہ دیرلر . علماء اسلامدن حضرت محی الدین العربی قدس سرہ دیورلرکه (اویلت علوم الاوّلین والاخرین) حدیث شریفی موجبجه پیغمبر اولین و آخرینک علومنی جائز ایدی . او پیغمبر و ارث اوله بیلیمک و (العلماء ورثه الانبیاء) حدیث شریفنک مضموننی تطبیق ایدہ بیلیمک ایچون امت اسلامیہ نک علوم اولین و آخرین جمع و درج ایتک چالشمسی لازمدر . بناء علیہ بونک علمی و فونک کافہ سی اوکرمک چالشمق مسلمان هیئت اجتماعیہ نک وظیفه سیدر . بووظیفهده قصور ، امتک انحطاطنه بادی اولور .

حاصلی مسلمان بشیکدن قبره قدر طلب علم ایله مکلفدر . مسلمان یا عالم ، و یا متعلم و یا مستمع اوله جقدر . پیغمبر من : بونلرک دردنجیسی قالان محو اولور ، پیورمشددر . جناب اللہ قرآنده (انما یخشى الله من عباده العلماء) پیوریور . الاهدن الحق عالم قوللری قورقارمش ، الاهی بیلیمین الاهدن قورقمه سی نبیلسون . علم اوله برنورددرکه خلوص قلب ایله تحصیل ایدیلر ایسه همه حال معرفه الله ایصال ایدر . علما میاسنده کورونوبده الاهی بیلیمینلرک بوقصوری علملرینک ایجابی دکل ، حیاتیلرنده کی افراط و تفریطک نتیجه سیدر . چونکه علوم نظریهده کشف حقیقت ایدہ بیلیمک ایچون انصاف و اعتدال شرطدر . تعصب کشف حقیقته مانعیدر . دینسزلک تعصبی التزام ایدیلرک تعقیب اولنان علم و فلسفه دائماً وحدانیت الهیه ی اثبات ایدہ کلشدر . احکام نبوتده دخی علمک رد ایدہ بیله چکی برشی بوقدر . حق اونلرک جمله سی بشریتک اک مهم معلوماتیدر .

او معلوم اولان متقابل مودت و مروتی وجوده کتیریور . دها صوکره ، بو رابطه نک تأثیری هر ایکسینک یاقین ، اوزاق نذقدر خصم لری ، بیلدکلری و ارسه جمله سنه شامل اولق صورتیله بویوک بر جماعت آردسندہ قارشیلقلی محبتله ، تعاونلره سبب اولیور . مصاهر تک باشقہ امتلرده بیله کورولن بوتأثیری عرب قبیله لری اوزرنده نه قدر مهم اولق ایجاب ایدر ، دوشونولسون . چونکه عربلرده بر ارکک دیگر قبیله دن برقادین آنجه عادتاً اوقیله نک بوتون افراد بیله ، حق بوتون متفقر بیله معاهده عقد ایتمش اولور . بویوزدن درکه صدر اول مسلمانلریله اهل کتاب آردسندکی رابطه لری کولکشدیرمک ، قارشیلقلی محبت و شفقت حسلری یامق خصوصندہ بوقانونک بک بویوک تأثیری کورولمشدی .

شاید اهل کتابدن قادیان آلان برمسلمان حسابنه اسلامک قبول ایتدیکی مساعداتی یهودیلکله خرسه یانلقده برمسلمان قادیان ایچون تکفل ایتمش بولونسهیدی اوزمان دین اسلام مسلمان قادیانلرینک اهل کتابه وارمه لرینہ رضا کوسترددی . لکن بریکیلرک کرک قانونلری ، کرک کلیسالری نک تعلیماتی صالح و مسالکک ترقیسنه قارشی دائماً حائل کسلدیکی ایچوندرکه اسلام مصاهرت مسئله سنده یالکیز برنجی شق ایله اکتفایه مجبور اولیور . بو مساعدہ بیده زوجہ غیر مسلمه ایچون حریت اعتقادی ، حریت عبادتی متکفل اولدقدن وقاریسنک امور دینیہ سندن هر هانکی برینہ مداخله یی زوج مسلمنه تمامیه تحریم ایتدکدن صوکره و بریور .

مسلمانانی

مانع ترقی دکل ، ضامن ترقیدر

آمریکا کنجلینه ویریک اوزره اوراده کی مسلمان طلبه مرک رجاری اوزرنه متفکرین علمای اسلامیه دن الماولی حمدی افندی حضرتلری طرفدن تحریر اولنوب آمریکایه کوندریلن قونفرانسک مابعدیدر :

بورایه قدر اجمال ایتدیکمز اساسات اسلامیه قلب مؤمنک تجهیزات ابتداییه سیدر . مؤمن بوعقیده سی فتوردن ، ضعفدن محافظه ایدہ بیلیمک ایچون اول امرده بعض عبادات بدنیہ و مالیہ ایله ده مکلفدر . بونلرک باشلیجه لری صلاه ، صوم ، ذکات ، حجدر . بنای اسلام دنیلن بواعمال ، اسلامیتک بنای عملیسی تشکیل ایدر . اسلامک فیض کاملی اصل بوندن صوکره باشلا یا جقدر .

بو تجهیزات ابتداییه دن صوکره وظائف اسلامیه نک اک مهمی کسب علم و معرفته سعی ایتکدر . دین اسلام بالاده بیان ایتدیکمز وجهله حیساندن زیاده عقل و فکره اعتنا ایتمش و حق و حقیقته محبتی اساس هدايت بیلیمش اولدیفندن علمه بک زیاده تشویق ایله مشدر .

دفعات ایله سوله دیکمز وجهله اسلام علم ایله معارضه بی قبول ایتمز ، نزاع علم و دین نظریه سی دین اسلامجه مردود در . دین بر حقیقت عالیله در . علم و فن بر حقیقت عالیله اوزرینه دیلدیکی کی تصرف و ابراز حاکمیت ایده مزسده دایما اوکا خدمت ایده بیلیر . بالطبع علم و فنک ساحه حکمنده بطلانی ثابت اوله بیله جک خصوصاً صاهده عقائد دینه سوسی و بر مک دوزر و اوله ماز . حقایق دینه ، علمک یتشه میه جکی ، دائره حکمنه آله میه جکی ذروه لره قدر چیقارسده علم ایله بسبتون متعارض و متخالف بر استقامتمده د بولناز . دین حسیات مجرددن عبارت تلقی ایدیلیرسه شبهه سز که عقل ایله حسیاتک بر چوق نقطه لره تصادم ایده جکی انکار اوله ماز . فقط بزم نظر مزده حس دینی بوتون حسیات انسانییه حاکم اوله بیله جک معقول بر حقیقت عالیله استناد دیمکدر . یوقسه دین ایله هوای نفسانینک هیچ بر فرق قالمش اولور . حاصلی بر دینزده علم و فنک ابطال ایده بیله جکی بر عقیده طانیورز و بوندن دولای علم ایله دینک تنازعنه قائل اولیورز . بالعکس علمک دینی ، دینک ده علمی متقابلاً تقویه و تزید ایده جکنه قانع اولیورز . فی الحقیقه عالمده ال بیوک فضیلت علم ایله دیانتک اجماعی دیمکدر . دین اسلامک بوخصیصه سی ترقیات انسانییه ده بیوک بر عامل اولدینی اثبات ایتکه کافیدر .

دین اسلامده علمه تشویق ایدن نصوص پک چوقدر . هیسبی بوراده ذکره لزوم اولدینی کی امکانده یوقدر . آنجوق شوکا تنیه ایتک ایسترم که علمدن مقصده غایه عملیه در .

اساسات اسلامییه کوره علمک غایه نظریه سی معرفه الله و حکمت خلقت و وقوف ، غایه عملیه سی ده انسانلرک حکمت و خلقتنه توفیق حرکندر . جناب الله انسانلری کندیسنه عبودیت ایچون خلق ایتشددر (وما خلقت الجن والانس الا ليعبدون) عبودیت ایسه علمی و عملی ایکی حیثیتی حائر در . عبودیت علمییه روحانی ، عبودیت عملیه ایسه جسمانی اولور . بناء علیه بوآیت کریمه هم غایه نظریه و هم غایه عملیه می متضمندر . قرآنک بر چوق آیاتده غایه نظریه ، تدبر و تفکره ، علم و معرفه ، تحریر اشیا تشویق واقع اولدینی کی دیگر بعض آیاتده غایه عملیه تصریح ایدلشددر . از جمله سوره ملکه (الذی خلق الموت والحیاء لیلوکم ایکم احسن عملاً) بیورلشددر . جناب الله موت و حیاتی انسانلرک هانکیسی داه کورل عمل یاه بیله جکنی بالفعل یعنی علم شهودی و تجربی ایله ساحه علانیه چیقارمق ایچون یاراتمشددر .

دینک که غایه خلقت انسانییه اصل عمل در . الله ال ای عبودیت ایدنلرک کوزل عملی یاه بیللرددر . انسانلرک عندالله مراتبی عمللرینک حسنیه متناسبدر . فی الواقع طهارت باطنه یعنی عبودیت نظریه و قلبیه دها مقدمدر . باطنی کوزل اولیان انسانلردن ، کوزل عمل صدوری خلاف عاده در .

فقط حسن باطندن مقصده محسن اعمالدر . قلبی پاک اولدینی حلاله اراده سز و عاقل ، عملدن محروم اولان انسانلر ایچون بیوک بر مزیت تقدیر ایدیله منر . بناء علیه طهارت قلبیه ، طهارت عملیه می مستلزم اولمق اعتبارله خائز قیمت عد ایدلک لازم کلیر . شو حلاله انسانلرک عندالله مراتبی عمللرینک حسنیه متناسبدر . ایشته انسانلر دنیایه بو امتحان ایچون کملشددر .

مسلمانلرک غایه سی دینک اولیور که عالمده کوزل اعمالی یاه بیلوب و بوکا موفق اولمق ایچون اول امرده مبدأ و غایه خلقت حقنده قوی بر ایمان و متین بر عزمه صاحب اولمقدر . اعمالک مراتب حسنی ایسه نا محدوددر . مسلمان بقای نامتناهییه متوجه بر عزیم و شطارت ایله بونا محدود مراتب حسنده بی دربی ایلری کتمک اوزره خلق اولندیغنه قانع اوله جقدر . شمعی سویلیکیز ، دین اسلام ایله ترقی بشرک مناسبتی مثبتی در ، منقیدر ؟ شو ایضاحانه کوره اسلام ضامن ترقیدر ، دیمکده تردد ایدیلیرمی ؟

اجتماعیانه غربیلیر و بوز غربیلیر :

جهت جامعه منر ، دیانت اسلامییه در

دیانت اسلامییه عصر سعادتدن بری بعضاً دوست کسوه سی آلتده بنیان اساسیمزی ریتقمق ایستین منافقلرک مکر و فساد ، بعضاً عسکری ، قوی ، قلعه سیله بتون بر جهان خصومتک هجوملریله قارشولاشمغه مجبور قالمشدر .

تاریخک ال قائلی مناقبی تشکیل ایدن بو معرکه لره اسلامیت ، دایما مدافعه مشروعه و مدافعه حق و حقیقت حالده شرفی محافظه ایتک موقعنده بولنشددر .

لله الحمد ظفر بمنزله نتیجه لن صولک مجادله دهده یتحقنه تجاوز و تعدی ایدیلن ، موجودتی ، حقوق طبیعی سی پامال ایدلک ایستیلن قوت ، اسلامیتدن باشقه بر شی دکلدی .

ینه تاریخ اسلام و او میانه اهل صلیب سفرلریله بووقایه تقدم ایدن احوال کال دقله تدقیق ایدیلورسه کوروله جکدر که : عالم اسلام احکام شرعییه ، دیانت حق متمسک قالدینی ، نفاق و شقاقدن اوزاق بولندی مدتیجه هر هجومی کال متاسله قارشولامش ، هر صدمه می معجزه نما بر موفقیتله آتلاشمشدر . فقط نه زمان تاریخیمزی لکله یلن بر انهمزام ، بر سقوط وجدانلری آزمشسه ، بو دوزر و بولدن انحراف ایدیلن وقتله تصادف ایتشددر .

مادیات ساحه سندن بشقه اجتماعی مجادلاتده عینی نتایجی الده ایتهمک ممکن دکلدر . ماده ، روحاً ، معنأ ضعف زمانلر مزده اجنبی نفوذی ، حیله سی ، طو زاعی ، فساد ایله حریمزده ال مدهش تحریباتی